

मेरी मैया दर्श दिखादे री,  
मेरी अखियों की प्यास बुझादे री,  
मेरी मईया दर्श दिखादे री ॥

मै तो हुई दीवानों की डाला,  
दिन रात रटू तेरी माला,  
तू आके दिल बहलादे री,  
मेरी मईया दर्श दिखादे री ॥

मेरा आज तो हाल बेहाल होया,  
मेरा भाग कड़अ पड़के सोया,  
मेरा सोया भाग जगादे री,  
मेरी मईया दर्श दिखादे री ॥

मै तने बता कित टोऊ सू,  
तेरी याद में पल पल रोऊ सु,  
मने रोती हुई ने हसादे री,  
मेरी मईया दर्श दिखादे री ॥

मेरी बनती बात बिगड़गी से,  
के पूछे या दुनिया उझड़गी से,  
मेरी दुनिया फेर बसादे री,  
मेरी मईया दर्श दिखादे री ॥

तेरे बिना मेरी कोण खवैया से,  
मझदार पड़ी मेरी नैया से,  
मेरी नैया पार लगादे री,  
मेरी मईया दर्श दिखादे री ॥

तने सारी दुनिया तार दई,  
तेरे भगता ने झोली पसार लई,  
भक्तो के काम बनादे री,  
मेरी मईया दर्श दिखादे री ॥

मेरी मैया दर्श दिखादे री,  
मेरी अखियों की प्यास बुझादे री,  
मेरी मईया दर्श दिखादे री ॥

गायक / प्रेषक बंटी सैनी सीवन ।  
8053740265

Source:

<https://www.bharattemples.com/meri-maiya-darash-dikha-de-ri-hariyanvi-bhajan/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>